



Modern Arabic Language International Center

The All-in-One Arabic Language Center

العامة الأردنية

للساطقن بغيرها

الكتاب الثاني

خالء القضاة

info@maliccenter.com

www.maliccenter.com

Mobile: 077 200 88 31

الأردن - عمان

المحتويات

الصفحة	الموضوع	الدرس
		الأول
	في البيت	الثاني
	لازم أطلع بدري	الثالث
	طلعة عيلة	الرابع
	صاحب ابني	الخامس
	يوم الخميس	السادس
	كيف شايفه ابني	السابع
	المواصلات	الثامن
	مُفاصلة	التاسع
	الواسطة	العاشر
	نصّاب	الحادي عشر
	طفح الكيل	الثاني عشر
	الحلويات	الثالث عشر

الدرس الأول:

مهموم

فهرس الدرل:

رقم الصفحة

أولاً: تدريبات عامة:

التدريب الأول

التدريب الثاني

التدريب الثالث

التدريب الرابع

ثانياً: تدريبات الاستماع:

التدريب الأول

التدريب الثاني

التدريب الثالث

ثالثاً: القراءة

رابعاً: تدريبات الحكي

التدريب الأول

التدريب الثاني

تدريبات عامة:

التدريب الأول:

أمثلة على استخدام الكلمات والعبارات السابقة:

حاستك:

ليش حاستك متغير؟

حاستها مبسطة.

حاستك زعلان.

مهموم:

إنتا ليش مهموم؟

صاحبي كثير مهموم.

انسي لا تضلك مهمومة

مش فاضي:

أنا مش فاضيلك.

شكلك مش فاضي.

همه مش فاضيين إلي.

رأيي:

أنا رأيي نطلع مشوار.

رأيي ياهيك شقة يابلاش.

شو رأيك بالموضوع؟

التدريب الثاني:

تأجل:

رح يتأجل الامتحان.
أجلنا الطلعة لبكرة.
هذا الموضوع مهم ما بيتأجل.

خصوصي:

هاي قهوة خصوصي إلك.
انا اجيت خصوصي عشانك.
هو بشتغل أستاذ خصوصي

تفضي:

حاول تفضي البيت من العفش.
فضي حالك يوم الجمعة عشاني.
ايمتى بتقدر تفضي حالك؟

حالك:

كيف حالك؟
حالك مش عاجبني.
فضي حالك بكرة خلينا نطلع.

التدريب الثالث:

أقدر:

أنا ما بقدر أحكيك السر.

بتقدر تساعدني؟

إيمتي بتقدر تزورني؟

عندهم:

صحابي عندهم بيت ملك.

ما بقدر أروح معكم عندي ضيوف بكره.

بتحبوا تيجوا عندنا و لا عندهم؟

كمان:

كمان ساعة بدي أنام.

تغديت كمان مرة.

بدي أشوف الفيلم كمان مرة.

ما إلي نفس

ما إلي نفس آكل.

ما إلي نفس أشتغل اليوم.

ما إلي نفس أروح بالرحلة.

التدريب الرابع:

اقرأ الجمل التالية وبعدين احكيها للمدرس عن غيب:

١. شو مالك؟
٢. ما مالني اشي
٣. مش فاضي ادرس
٤. اسمعني يا عمر
٥. فضي حالك للدراسة
٦. حاسستك مهموم اليوم.
٧. عندي امتحانات ورا بعض.
٨. انا رايبى تأجل الدروس الخصوصي.
٩. همه عندهم دروس كمان
١٠. طلابك عندهم امتحانات كمان.
١١. انا ما رح اقدر أروح معكم
١٢. ما إلي نفس أظل بالبيت.
١٣. ما رح أقدر أجي ع الحفلة.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. شو مالك يا عمر؟
٢. أنا ما مالني اشي.
٣. مش فاضي ادرس للإمتحانات.
٤. عمر اسمعني.
٥. فضي حالك.
٦. انا حاسستك مهموم.
٧. عندي امتحانات هدا الأسبوع.
٨. ما الي نفس افتح كتاب
٩. طلابي عندهم امتحانات
١٠. أنا ما بقدر أروح معكم.
١١. رح أرجع كمان مرة على الجامعة.

التدريب الثاني :

اسمع هاد النص وخط الكلمة المناسبة بالفراغ:

طالبك	مالك	مهموم	كمان	كتاب
اقدر	الاسبوع	امتحانات	عندي	رأيي

مهموم

أم عمر: شو _____ ؟ حاسستك _____ .

عمر: ما مالني اشي بس _____ امتحانات و مش فاضي أدرس و

_____ ما إلي نفس افتح _____ .

أم عمر: اسمعني، أنا _____ تاجل دروس _____ الخصوصي هدا

_____ عشان تقضي حالك للدراسة.

عمر: ما رح _____ لانهم عندهم _____ كمان.

التدريب الثالث:

خط دائرة على الكلمة اللي ما بتسمعا بالجملَة:

١. أ. حاسنتك ب. موجود ج. مالك د. مهموم
٢. أ. مالني ب. اشي ج. لكن د. ما
٣. أ. لانهم ب. عندهم ج. كان د. امتحانات
٤. أ. دروس ب. رأيي ج. طلابك د. محمد
٥. أ. عشان ب. حالك ج. مهموم د. للدراسة
٦. أ. شو ب. مالك ج. عمر د. كثير
٧. أ. ما ب. الي ج. نفس د. شو
٨. أ. مش ب. أدرس ج. ها للأسبوع د. طلابك

القراءة:

اقرأ النص التالي وتأكد إنك فاهم كل إشي فيه:

النص:

مهموم

أم عمر: شو مالك؟ حاسستك مهموم

عمر: ما مالني اشي بس عندي امتحانات و مش فاضي أدرس و كمان ما إلي نفس افتح كتاب.

ام عمر: اسمعني، أنا رأبي تاجل دروس طلابك الخصوصي هذا الأسبوع عشان تفضي حالك للدراسة.

عمر: ما رح اقدر لانهم عندهم امتحانات كمان.

تدريبات الحكي:

التدريب الأول:

ليش هاي الكلمات انحكت بالنص:

ما مالني	طلابك	خصوصي	اقدر
عشان	مهموم	عندي	الأسبوع

التدريب الثاني:

جاوب على هاي الأسئلة بالحكي:

شو ماله عمر؟ وين بيدرس؟

شو يعمل عمر بعد الدوام؟ وليش؟

شو مال عيلة عمر؟

شو فيه عند عمر الأسبوع الجاي؟

ليش ما بيقدر عمر يأجل الدروس؟

شو اقترحت أم عمر عليه؟

الدرس الثاني:

في البيت

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
		القراءة	
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

روح:

روحت و لا لسة؟

علي روح من الشغل.

روحني معك بطريقك.

سلام:

انا رايح سلام بشوفكم بكرة.

سلملي على صاحبي.

تغديت:

ايمتى تغديت؟

بدك تتغدى و لا شبعان؟

شو رأيك نتغدى برة بمطعم يماني؟

أحط:

بدك أحطلك توكل.

حطلي كمان سكر.

حطلنا أغاني على زوءك.

التدريب الثاني:

بدري:

ليش مروح بدري؟
بدري عالداوم.
امبارح صحيت بدري.
بدري خليك كمان شوي

بس:

بس بدري اسألك سؤال.
استناني بس شوي.
انا مبسوط بس تعبان.

مش غلط:

مش غلط نطلع رحلة.
مش غلط ندرس اليوم.
انا متأكد انه جوابي مش غلط.

عشان:

رنيتهك عشان اسلم عليك.
عشان هيك بدري أسافر.
عشانكم ما رح أسهر اليوم.

التدريب الثالث:

مَنِيح:

هذا شكلة زلمة منيح.
منيح منك اللي عملته.
أنا منيح اليوم.

شوي:

رح أنام بعد شوي.
شوي شوي لا تسرع.
الجو شوي برد اليوم.

حل

لازم نحل المشكلة.
حلّيت كل الواجبات
حل عني

أخذ غفوة

أخذت غفوة بعد الغدا
بدي أخذ لي غفوة عشان أصحصح.
غفيت وأنا بالدرس.

التدريب الرابع:

اقرأ الجمل التالية وبعدين احكيها للمدرس عن غيب:

١. عمر روح عالبيت.
٢. سلام ماما.
٣. هلا عمر كيفك؟
٤. تغديت و لا لأ.
٥. احطلك تتغدى؟
٦. تغديت بدري بالجامعة.
٧. مش غلط اتغدى مرة ثانية.
٨. ما اكلت منيح.
٩. اتغدى عمر و بعدين قعد.
١٠. بعدين قعد شوي.
١١. عمر حكى سلام.
١٢. عمر يحل الواجبات قبل نص الليل.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. عمر روح عالييت
٢. سلام ماما
٣. هلا عمر كيفك؟
٤. تغديت و لا لأ.
٥. أم عمر حكيت: أحطلك تتغدى؟
٦. أنا تغديت بدري بالجامعة.
٧. بدى اتغدى مرة ثانية.
٨. ما اكلت منيح عالغدا.
٩. عمر اتغدى و بعدين قعد.
١٠. تغديت و لا احطلك غدا؟
١١. عمر قعد مع اصحابه مع إنه مشغول.
١٢. تغدًا وأخذ غفوة عشان يصحصح.

التدريب الثاني :

اسمع هاد النص وخط الكلمة المناسبة بالفراغ:

مرة	أكلت	سلام	عمر	بدري
تنغدى	روح	قعد	تغديت	مش

في البيت

عمر _____ عالبيت : _____ ماما.

أم عمر: هلا _____ كيفك؟ _____ و لا احطلك _____ ؟

عمر: تغديت _____ بالجامعة، بس _____ غلط اتغدى _____ تانية

عشان ما أكلت منيح.

اتغدى عمر و بعدين _____ شوي مع أهله، وأخذ غفوة وبعد ما صحصح حل

واجباته.

التدريب الثالث:

خط دائرة على الكلمة اللي ما بتسمعها بالجملة:

١. أ. عمر ب.روح ج. عالييت د. كيفك
٢. أ. هلا ب. عمر ج. كيفك د. أكلت
٣. أ. تتغدى ب. لأ ج. اتغديت د. بالبيت
٤. أ. بدري ب. تغديت ج. صاحبي د. بالجامعة
٥. أ. غلط ب. مش ج. مرة د. ثلاثة
٦. أ. بعدين ب. قعد ج. شوي د. الجيران
٧. أ. غفوة ب. ما ج. صحصح د. عمر
٨. أ. عشان ب. منيح ج. أكلت د. سلام

القراءة:

اقرأ النص التالي وتأكد إنك فاهم كل إشي فيه:

النص:

في البيت

عمر روح عالييت : سلام ماما.

أم عمر: هلا عمر كيفك؟ تغديت و لا احطلك تتغدى؟

عمر: تغديت بدري بالجامعة، بس مش غلط اتغدى مرة تانية عشان ما أكلت منيح.

اتغدى عمر و بعدين قعد شوي مع أهله، وأخذ غفوة وبعد ما صحصح حل واجباته.

تدريبات الحكي:

التدريب الأول:

ليش هاي الكلمات انحكت بالنص:

مرة	تتغدى	قعد	بدرى
منيح	احطلك	البيت	عشان

التدريب الثاني:

جاوب على هاي الأسئلة بالحكي:

وين روح عمر؟ شو حكى عمر لما روح؟

عمر تغدى و لا لأ؟ شو سألته امه؟

وين تغدى عمر بدرى؟

ليش بده يتغدى مرتين؟

شو عمل عمر بعد الغدا؟

الدرس الثالث:

لازم أطلع بدري

فهرس الدرس:

رقم الصفحة

تدريبات عامة:

التدريب الأول

التدريب الثاني

التدريب الثالث

التدريب الرابع

تدريبات الاستماع:

التدريب الأول

التدريب الثاني

التدريب الثالث

القراءة

تدريبات الحكي

التدريب الأول

التدريب الثاني

تدريبات عامة:

التدريب الأول:

مرات:

مرات بنام بعد الظهر .

أكتب هادا الدرس عشر مرات .

بعمل حسابي:

دايما بعمل حسابي أنام بكير .

محمد بعمل حسابو يروح على الشغل بكير .

كالعادة:

دوامي كالعادة من ساعة تسعة للخمسة .

كالعادة كل يوم الصبح بسمع لفيروز .

عشان

عشان انا اكبر وحدة دايما بتحمل المسؤولية .

عشان الأزمة بعمل حسابي اطلع بكير على الشغل .

هالايام

هالايام الحياة صارت صعبة .

محمد هالايام بحب السهرات كتير عشان مافي شغل .

التدريب الثاني:

هيّ هيّ

الأزمة هيّ هيّ ما بتتغير .
أيام الدوام هيّ هيّ دائما طويلة.

لا سمح الله

لا سمح الله اذا رسبت بالامتحان لازم أعيد السنة .
لازم يكون الواحد عندو تامين عشان إزا لا سمح الله صرلو اشي.

شكلي

- شكلي رح امرض ,

من غير شرّ

- من غير شر عليكي

ظليت

ظليت بسمع للآخر .
هاي العُطلة ظليت بالبيت .
ما تظل زعلان مني .

التدريب الثالث:

اقرأ الجمل التالية وبعدين احكيها للمدرس عن غيب:

١. كالعادة ما إلي مكان بالباص.
٢. دايمًا نفس القصة بتصير معي.
٣. مرات بركب تكسي ومرّات بمشي.
٤. الأزمة هيّ هيّ كل يوم.
٥. كان الشوفير ختیار.
٦. معلش أروح على مستشفى الجامعة.
٧. ليش من غير شر.
٨. فكرتك مريضة لا سمح الله.
٩. كل الناس تعبانة هالأيام.
١٠. مش عارفة شو أحكي شكلي رح أتأخر.
١١. الله بعين شو بدنا نعمل.
١٢. كل يوم بتأخر وبيروح علي الباص.
١٣. كل إشي صار غالي هالأيام.
١٤. الله يعطيك العافية هيني وصلت.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. ضليتتي اسمع للاخر
٢. خلص يعطيك العافية
٣. الله يعافيكى , مع السلامة
٤. الحياة صارت صعبة
٥. كل اشى صار غالى
٦. كالعادة ما الي مكان
٧. نفس القصة بتصير دايمًا
٨. شكلي متأخرة عن الدوام
٩. معلىش تسرع شوي
١٠. ليش من غير شر
١١. أنا عامل حسابي إنى رح أدفع أكثر.
١٢. زي امبارح حبيت أطلع بتكسي.
١٣. كل يوم بسمع هالقصص.

التدريب الثاني :

اسمع هاد النص وخط الكلمة المناسبة بالفراغ:

بدون	قصص	الدوام	تعبانة	لا سمح الله
غير شر	غالي	حسابي	الباص	الله بعين

كل يوم بتأخر ويروح علي الباص وبستنى _____ اللي بعده و نفس القصة بتصير حتى
اقدر أطلع بواحد منهم عشان هيك دايمًا بكون متأخرة عن _____ .

مرّات بركب تكسي، ويعمل _____ اني رح ادفع اكثر بس الأزيمة هي هي. و لازم
اسمع _____ الشفريّة ، زي مبارح حبيت اطلع بالتكسي وكان الشوفير ختيار.

سميرة: مرحبا، معلش بدّي أروح ع مستشفى الجامعة.

الشوفير : ليش من _____ .

سميرة: لا لا ما في اشي بس عندي تدريب هناك.

الشوفير : آه ، أشوا فكرتك مريضة _____ ، والله يا عمو كل الناس _____

هالأيام ، الحياة صارت صعبة يعني البنزين ارتفع و كل اشي صار _____

غالي...

طبعاً انا بسمع ومش عارفة شو بدي أحكي ! بس ضليتني اسمع للأخر _____ ما أحكي
، و بعدين حكيت : _____ عمو شو بدنا نعمل ، خلص يعطيك العافية هيني
وصلت.

الشوفير : الله يعافيك عمو ، مع السلامة.

التدريب الثالث:

خط دائرة على الكلمة اللي ما بتسمعا بالجملَة:

١. أ. كل ب. بتأخر ج. الباص د. الشوفير
٢. أ. معلش ب. بدي ج. كيفك د. الجامعة
٣. أ. ليش ب. من ج. اتغديت د. شر
٤. أ. بس ب. ما ج. صاحبي د. عندي
٥. أ. غلط ب. الحياة ج. صارت د. يعني
٦. أ. حبيت ب. الشوفير ج. طلع د. لازم
٧. أ. و الله ب. كل ج. عمو د. الشوفير
٨. أ. أشوا ب. فكرتك ج. الناس د. مريضة

القراءة:

التدريب الأول:

اقرأ هادا النص واثأكد إنك فاهم كل إشي فيه:

النص:

لازم أطلع بدري

كل يوم بتأخر وبيروح علي الباص ويستتى الباص اللي بعده و نفس القصة بتصير حتى
اقدر أطلع بواحد منهم عشان هيك دايمًا بكون متأخرة عن الدوام.
مرات بركب تكسي، وبعمل حسابي اني رح ادفع اكثر بس الأزمة هي هي. و لازم اسمع
قصص الشفيرة، زي مباح حبيت اطلع بالتكسي وكان الشوفير ختیار.
سميرة: مرحبا، معلش بدى أروح ع مستشفى الجامعة.
الشوفير: ليش من غير شر.
سميرة: لا لا ما في اشي بس عندي تدريب هناك.
الشوفير: آه، أشوا فكرتك مريضة لا سمح الله، والله يا عمو كل الناس تعبانة هالأيام،
الحياة صارت صعبة يعني البنزين ارتفع و كل اشي صار غالي.
طبعا انا بسمع ومش عارفة شو بدى أحكي! بس ضليتتي اسمع للآخر بدون ما أحكي، و
بعدين حكيت: الله بعين عمو شو بدنا نعمل، خلص يعطيك العافية هيني وصلت.
الشوفير: الله يعافيكى عمو، مع السلامة.

تدريبات الحكي:

التدريب الأول:

ليش هاي الكلمات انحكت بالنص:

الباص	شوفير	مستشفى	حياة
الدوام	تكسي	تدريب	مريضة

التدريب الثاني:

جاوب على هاي الأسئلة بالحكي:

ليش سميرة بتتأخر عن الدوام؟

وين بدها تروح سميرة؟

ليش بدها تروح على الدوام؟

شو حكالها شوفير التاكسي؟

الدرس الرابع:

طلعة عيلة

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
		تدريبات القراءة	
		تدريبات الحكي	
	التدريب الأول		
	التدريب الثاني		

تدريبات عامة:

بتمشى

ليلي بتمشى , انا بتمشى , هو بتمشى,
بدنا نتمشى اليوم بوسط البلد
وين بتحب نتمشى؟

بيطش

محمد كل يوم بيطش بعد الغدا.
الطشة هاي إشي من الآخر.

نخب

هاي البلوزة نخب أول.
هاد المحل بضاعته نخب.

شعبي

هاد السوق أسعاره رخيصة لانو شعبي.
أنا بحب المطاعم الشعبية أكلها زاكي وارخيص .

الأواعي

البنات اكثر اشي بحبو الأواعي.
دايما بضيع مصروفي على الاواعي .
الأواعي صارو قدام.

التدريب الثاني:

لايُعلَى عليه

هاد محل الكنافة لا يعلى عليه.

أمي لا يعلى عليها بالاكل .

قبل ما تليل

لازم البنات يروحوا قبل ما تليل الدنيا.

مع التوقيت الشتوي صايرة الدنيا تليل بسرعة .

بموت بـ

بموت بالأولاد الصغار.

بموت بالموضة .

زمان ما

زمان ما شفنتك.

زمان ما طلعتنا رحلة .

بموت من

مُتت من البرد.

بموت من السرعة.

مليت من

مليت من هاي الاكلة.

مليت منك , مليت من المحاضرة .

التدريب الثالث:

مع إنّه

مع إنني مريض بس رح أداوم.

مع إنني ما بحب المباريات بس رح أحضرها عشانك.

التدريب الرابع:

اقرأ الجمل التالية وبعدين احكيها للمدرس عن غيب:

١. عيلة أبو حسام بدهم يطشو
٢. بدهم يتمشو بوسط البلد
٣. عم يتفرجو على الاواعي
٤. بعرف مطعم نخب
٥. مع انو مطعم شعبي بس الأكل زاكي.
٦. مطعم حبيبة للحلويات
٧. فكرة بتجنن
٨. حبيبة لا يعلى عليه
٩. عنجد زمان ما طلعتنا
١٠. بموت بالطلعات.
١١. مليت من قعدة البيت.
١٢. بموت من القعدة بالبيت يوم الخميس.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. زهقت كثير بهالطلعة
٢. بدنا نرجع قبل ما تليل
٣. متواعد مع صحابي
٤. جهزو حالكم خلينا نروح
٥. طلعة من الاخر
٦. بدنا نطش
٧. بدهم يروحو يتمشو بوسط البلد
٨. عم نتفرج على الاواعي
٩. بعرف مطعم نخب
١٠. زمان ما طلعتنا
١١. خلينا نطلع ملينا من القعدة بالبيت.
١٢. المطعم شعبي رخيص وأكله بيجزن.
١٣. حلويات حبيبة لا يُعلى عليها.

التدريب الثاني :

اسمع هاد النص وخط الكلمة المناسبة بالفراغ:

يتمشو	شعبي	يطشو	متواعد	بتجنن
بالطلعات	قعدة	بيتفرجو	من الآخر	ماتليل

طلعة عيلة

اليوم الخميس وعيلة أبو حسام بدهم _____ وفكروا إنهم يروحو _____ بوسط البلد _____ على الأواعي.

حكى حسام: أنا بعرف مطعم نخب مع إنه _____ بس أكله مرتب ، وبعد الغدا بنروح نوكل حلويات في مطعم حبيبية.

هدى: فكرة _____ ، حبيبية لايعلى عليه .

حسام: عنجد زمان ما اطلعنا ، إيتمى بديكم نطلع؟ بموت . _____ .

هدى : أنا مليت من _____ البيت وازهقت كثير بهالعطة.

حسام: لازم نرجع قبل _____ الدنيا علينا عشان _____ مع اصحابي.

الأب: يله جهزو حالكو رح تكون طلعة _____ .

التدريب الثالث:

خط دائرة على الكلمة اللي ما بتسمعا بالجملَة:

١. أ. الخميس ب. عيلة ج. يطشوا د. شعبي
٢. أ. حبيبة ب. بتجنن ج. الباص د. يعلى
٣. أ. شعبي ب. بس ج. مرتب د. عمر
٤. أ. بدري ب. طلعة ج. رح د. جهزوا
٥. أ. كثير ب. العطة ج. حسام د. ازهقت
٦. أ. نرجع ب. قبل ج. تليل د. هدى
٧. أ. أنا ب. مليت ج. البيت د. العطة
٨. أ. عنجد ب. زمان ج. طلعا د. البلد

القراءة:

اقرأ النص التالي وتأكد إنك فاهم كل إشي فيه:

النص:

طلعة عيلة

اليوم الخميس وعيلة أبو حسام بدهم يطشو وفكرو إنهم يروحو يتمشو بوسط البلد وبيتنفرجو على الأواعي.

حكي حسام: أنا بعرف مطعم نخب مع إنه شعبي بس أكله مرتب ، وبعد الغدا بنروح نوكل حلويات في مطعم حبيبة.

هدى: فكرة بتجنن، حبيبة لايعلى عليه .

حسام: عنجد زمان ما اطلعنا ، إيمنى بدكم نطلع؟ بموت بالطلعات.

هدى : أنا مليت من قعدة البيت وازهقت كثير بهالعطلة.

حسام: لازم نرجع قبل ماتليل الدنيا علينا عشان متواعد مع اصحابي.

الأب: يلا جهزو حالكو رح تكون طلعة من الآخر.

تدريبات الحكي:

التدريب الأول:

ليش هاي الكلمات انحكت بالنص:

نطش	من الآخر	قبل ما تليل	لا يُعلَى عليه
اواعي	شعبي	مليت من	بموت بـ

التدريب الثاني:

جاوب على هاي الأسئلة بالحكي:

شو في يوم الخميس؟

وين بدهم يروحو؟

شو رح يعملو بوسط البلد؟

ايمتي لازم يرجعو؟

مين بدو يطلع؟

ليش لازم يروحو بدري؟

الدرس الخامس:

صاحب ابني

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

اللي فات:

رجعنا من العقبة الأسبوع اللي فات.
تخرجت من الجامعة الشهر اللي فات.
ما شفته من السنة اللي فاتت.

بتخرج:

إيمتى بتخرج صاحبك.
إيمتى رح تتخرج عشان نفرح فيك.
شو بدك تشتغل بعد ما تتخرج.

عقبالك:

عقبال ما أفرح فيك.
عُقبالك، عُقبالك.
عقبال عندكم.

بيجهزو:

قديش بدمك لتجهزوا؟
جاهزين و لا لأ؟
قاعدين بجهزو بالإمتحان.

التدريب الثاني:

نعمك:

شو رأيك نعمك مقلوبة؟
بقدر أعملك اشي؟
شو اعملك عشان ترضى؟

بيض وجوهنا:

بيض وجوهنا قدام الناس بعلاماتك.
بيض وجهي بتصرفاتك.
الله يبيض وجهك

شد حيلك:

شد حيلك بالدراسة.
شد حيلك الله بعوضك.
شدي حيلك بلكي تخرجتي.

خاطر:

عشان خاطري كل معي.
عملت هيك عشان خاطرك.
خاطرك كبير عندي.

التدريب الثالث:

مستني:

هيني مستنيك.
ما رح أستني.
لا تستتاني أكثر من هيك.

الوضع:

شو الوضع عندك؟
وضعك زينون.
مش عاجبني الوضع.

ما صارت

بدّي أعمل حفلة ما صارت.
عمرها ما صارت هاد الشهر اطفرت ع الآخر.
كيف صارت واجيت

على نار

بستتاك على نار.
بابا بيستتاني أخرج على نار.
دايماً بطبخ على نار هادية.

التدريب الرابع:

اقرأ الجمل التالية وبعدين احكيها للمدرس عن غياب:

١. شو أخبار صاحبك؟
٢. هيو رح يتخرج
٣. بيض وجوهنا يا محمد
٤. عقبالك يا ماما
٥. اهلوا بيجهزوله حفلة
٦. بدهم يعملوله طننة ورننة
٧. اجا عنا الأسبوع اللي فات
٨. الوضع هون تعبان
٩. فش شغل هون
١٠. الله يعين الشباب
١١. حفلة غير شكل
١٢. بستنى النتيجة على نار.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. شو أخبار صاحبك يا محمد؟
٢. صاحبي رح يتخرج
٣. بيض وجوهنا يا ابني
٤. عقبالك يا محمد
٥. مستتيك تتخرج على نار
٦. بدهم يعملوله حفلة
٧. اجا صاحبك عنا الأسبوع اللي فات
٨. الوضع تعبان فش شغل
٩. انت شد حيلك
١٠. لا تكسر بخاطر أبوك
١١. رح نعملك حفلة غير شكل.
١٢. لما يتخرج ابني رح نعمله حفلة ما صارت.

التدريب الثاني :

اسمع هاد النص وخط الكلمة المناسبة بالفراغ:

حفلة	بخاطر	غير شكل	ماما	تعبان
على نار	لازم	الجاي	أخبار	مرة

صاحب ابني

أبو محمد: اه محمد صحيح شو _____ صاحبك اللي إجا عنا الاسبوع اللي فات؟

محمد: منيح هيو رح يتخرج الشهر _____ و أهله بيجهزوله _____ ما صارت ويدهم يعملوله طنّة و رنة _____ .

ام محمد: عقبالك يا _____ ، بس تتخرج لنعملك حفلة احلى مليون _____ من حفلة صاحبك بس انت شد حيلك و بيض وجوهنا ولا تكسر _____ أبوك اللي مستنيك تتخرج _____ .

أم محمد: شو رح يعمل صاحبك بعد ما يتخرج.

محمد: والله يا ماما الوضع هون _____ فش شغل، الله يعين الشباب.

التدريب الثالث:

خط دائرة على الكلمة اللي ما بتسمعا بالجملَة:

١. أ. هيو ب. يتخرج ج. الجاي د. عزمني
٢. أ. أهله ب. حفلة ج. الجامعة د. صارت
٣. أ. لا ب. بخاطر ج. أبوك د. نار
٤. أ. هون ب. فش ج. صاحبي د. شغل
٥. أ. بس ب. احلى ج. حفلة د. صارت
٦. أ. الوضع ب. قعد ج. هون د. ماما
٧. أ. الشباب ب. انت ج. وجوهنا د. بيّض
٨. أ. شو ب. يتخرج ج. صاحبك د. الأب

القراءة:

اقرأ النص التالي وتأكد إنك فاهم كل إشي فيه:

النص: ٨٦

صاحب ابني

أبو محمد: اه محمد صحيح شو أخبار صاحبك اللي إجا عنا الاسبوع اللي فات؟

محمد: منيح هيو رح يتخرج الشهر الجاي و أهله بيجهزوله حفلة ما صارت وبدهم يعملوله طنة و رنة..غير شكل.

أم محمد: عقبالك يا ماما، بس تتخرج لنعملك حفلة احلى مليون مرة من حفلة صاحبك بس

انت شد حيلك و بيض وجوهنا ولا تكسر بخاطر أبوك اللي مستنيك تتخرج على نار.

أم محمد: شو رح يعمل صاحبك بعد ما يتخرج.

محمد: والله يا ماما الوضع هون تعبان فش شغل، الله يعين الشباب.

تدريبات الحكي:

التدريب الأول:

ليش هاي الكلمات انحكت بالنص:

فات	شد حيلك	ماما	تعبان
الوضع	بيض وجوهنا	ابني	الشباب

التدريب الثاني:

جاوب على هاي الأسئلة بالحكي:

شو رح يعمل صاحب محمد؟

شو رح يعملو أهله إلو؟

شو حكت أم محمد لمحمد؟

كيف يستتّي أبو محمد تخريج ابنه؟

كيف الوضع في البلد؟

ايمتى إجي صاحب محمد لعنده؟

شو طلبت أم محمد من محمد؟

بشو وعدت أم محمد ابنها لما يتخرج؟

الدرس السادس:

يوم الخميس

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

مَنيح:

عملت مَنيح بالامتحان؟

مَنيح اذا نجحت.

مش مَنيح تضلك تحكي كثير.

صاحبتي مَنيحة مع الكل.

خلي الواحد:

لا تضلك تحكي خلي الواحد مرّوق.

شو هالازعاج مش مَخليين الواحد يعرف يدرس!

خلي الواحد يضل مبسوط.

ورا بعض:

ما عندي استراحة دروسي ورا بعض.

أولادي جايين ورا بعض.

مش ملحقه شغل..ضيوفي زاروني ورا بعض.

بالمرة:

ما بحب الأزمة بالمرة.

مش فاهم عليك بالمرة..

علامتي بالامتحان بالمرة.

العُطلة مش طويلة بالمرة.

التدريب الثاني:

فش مجال:

فش مجال أروح معاكم.
فش مجال تنزلي السعر؟!
فيه مجال نطلع اليوم?!
عندي امتحان وفش مجال أطلع اليوم.

ولا يهكم:

ولا يهكم رح أرتب كل اشي.
ولا يهكم أنا بوصلك بطريقي.
ولا يهكم أنا بحكيه

ما بدي أوصيك:

ادرس منيح ما بدي أوصيك.
بتوصوا على إشي؟
ما بدي أوصيك خلي عينك عالولد

دير بالك على:

دير بالك على دراستك.
ديري بالك عالسيارة.
دير بالك على حالك.
ليش ما درتي بالك عالبننت!؟

التدريب الثالث:

اقرأ الجمل التالية وبعدين احكيها للمدرس عن غيب:

١. يلا منيح يعني في يومين راحة من الشغل.

٢. خلي الواحد يلقط نفسه.

٣. الاسبوع الجاي كله امتحانات ورا بعض.

٤. ما عندي فراغ بالمرة.

٥. فش مجال لازم تجيب الأول.

٦. هيني مش مقصر..بدرس ليل و نهار.

٧. أنا أصلاً حاط ببالي أكون الأول.

٨. الله يوفقك.

٩. ما بدي أوصيك لا تطير المنحة منك.

١٠. دير بالك على حالك.

١١. الشهادة سلاح .

١٢. بستناك على نار.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. شو هو اليوم؟
٢. ليش بتسأل؟
٣. يلا منيح يعني في راحة
٤. خلي الواحد يرتاح
٥. الاسبوع الجاي ضغط امتحانات
٦. ما عندي وقت بالمرّة
٧. ركز بدراستك
٨. حاطط بيالي اكون الاحسن
٩. لا تطير المنحة منك
١٠. شهادتك سلاحك
١١. خد نفس تريحك شوي.
١٢. مش مقصر بدراستو بالمرّة.

التدريب الثاني :

اسمع هاد النص وخط الكلمة المناسبة بالفراغ:

راحة	ببالي	بعض	منايح	على حالك
بالمرة	اوصيك	مجال	الجاي	سلاح

يوم الخميس

ابو محمد: شو هو اليوم؟

ام محمد: الخميس، ليش بتسأل؟

ابو محمد: يلا _____ يعني في يومين _____ من الشغل الجمعة والسبت، خلي الواحد ياخذ نفس.

محمد: الاسبوع _____ كله امتحانات ورا _____ ، ما عندي فراغ _____ .

ابو محمد: ادرس منيح يا محمد فش _____ لازم تجيب الأول عشان المنحة.

محمد: ولا يهملك بابا ، هيني مش مقصر بدرس ليل ونهار و انا اصلا حاط _____ اكون الاول.

ابو محمد: الله يوفقك يا بابا ما بدي _____ لا تطير المنحة منك، ودير بالك

_____ وعلى دراستك ، ، زي ما إنت عارف الشهادة _____ .

التدريب الثالث:

خط دائرة على الكلمة اللي ما بتسمعا بالجملَة:

١. أ. هو ب. يتخرج ج. اليوم د. محمد
٢. أ. يعني ب. منيح ج. راحة د. الام
٣. أ. الجاي ب. بعض ج. كله د. سلاح
٤. أ. يا بابا ب. يوفقك ج. صاحبي د. أوصيك
٥. أ. هيني ب. مقصر ج. بدرس د. كبيرة
٦. أ. عارف ب. الشهادة ج. زي د. المنحة
٧. أ. فش ب. بابا ج. الاول د. تجيب
٨. أ. أنا ب. أصلا ج. الرابع د. الاول

القراءة:

اقرأ النص التالي وتأكد إنك فاهم كل إشي فيه:

النص: ٩٣

يوم الخميس

ابو محمد: شو هو اليوم؟

ام محمد: الخميس، ليش بتسأل؟

ابو محمد: يلا منيح يعني في يومين راحة من الشغل الجمعة والسبت، خلي الواحد ياخذ نفس.

محمد: الاسبوع الجاي كله امتحانات ورا بعض، ما عندي فراغ بالمرّة.

ابو محمد: ادرس منيح يا محمد فش مجال لازم تجيب الأول عشان المنحة.

محمد: ولا يهملك بابا ، هيني مش مقصر بدرس ليل ونهار و انا اصلا حاط ببالي اكون الاول.

ابو محمد: الله يوفقك يا بابا ما بدني أوصيك لا تطير المنحة منك، ودير بالك على حالك وعلى دراستك ، زي ما إنت عارف الشهادة سلاح.

تدريبات الحكي:

التدريب الأول:

ليش هاي الكلمات انحكت بالنص:

ادرس منيح	يلقط نفسه	ولا يهملك	ليش بتسأل؟
حاط ببالي	يومين راحة	الشهادة سلاح	امتحانات ورا بعض

التدريب الثاني:

جاوب على هاي الأسئلة بالحكي:

شو في عند محمد الاسبوع الجاي؟

بأي يوم اجتمعت العيلة؟

ليش ابو محمد بدو ابنه يدرس منيح؟

شو حاط بباله محمد؟

شو حكي ابو محمد عن الشهادة؟

شو وصي أبو محمد ابنه؟

الدرس السابع:

كيف شايفه ابني

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

نورتي:

إنت منورة المدرسة.

نورتينا.

نورتينا بجيتك.

شايفيته:

إنت كيف شايفيته؟

أنا شايفيته أحسن.

هو كيف بشوف الموضوع؟

بسرح:

هو كتير بسرح.

هي كتير بتسرح.

ابنك دائماً سرحان هالأيام .

بركز:

عمر ما بركز كتير.

انت شفتي انه تركيزه مو كتير؟

ركزت معه؟

اليوم مش مركز بالمرّة.

التدريب الثاني:

تحبيه:

انت حبيبيه بالموضوع.
هو حب الموضوع كثير.
أنا بدي أحبيه بالموضوع.

حاطين:

أنا حاطة الموضوع ببالي.
مش حاط بباله يتجوز.
حطي الموضوع ببالك.

بيتعلق:

هو عنده كثير اشياء يتعلق فيها.
انا متعلقة فيه.
هو متعلق بأمه

حط بباله

حاط ببالي أشتري سيارة.
حُط ببالك تيجي بُكرة.
رح أحط هالموضوع ببالي.

التدريب الثالث:

حلينا:

حلينا المشكلة .

انا بدي احل مشكلتي، هو دائما يحل مشاكله

غلباوي:

هي بنت غلباوية.

هو مغليني.

فيها غلبه لو

غلبتك

لبين ما:

أنا بستناك لبين ما تيجي.

هو بستنى لبين ما تيجي صاحبيته.

رح نضل على اتصال لبين ما نحل هاي المشكلة

التدريب الرابع:

اقرأ الجمل التالية وبعدين احكيها للمدرس عن غيب:

١. هو بسرح كثير بالصف
٢. بدي اسأل عن عصام
٣. احنا حاطين موضوعه ببالنا
٤. حلينا مشكلة عصام
٥. ما حدا سالم من شره
٦. طيب و الحل
٧. عندو صحاب مش ولا بد
٨. رح نضل على اتصال
٩. بدنا نحل هالمشكلة
١٠. ابنك غلباوي
١١. نورتي المدرسة
١٢. بدي أحببه بالدراسة بلكي تعلق فيها.
١٣. مش مركز بدراسته هالأيام.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. عصام بسرح كثير بالصف

٢. بدي اسأل عن هالولد

٣. احنا حاطين الموضوع ببالنا

٤. حلينا مشكلة عصام في المدرسة

٥. ما حدا سالم من شر عصام

٦. شو الحل للمشكلة

٧. عصام عندو صحاب مش و لابد

٨. بدنا نحل مشكلة عصام

٩. ابنك غلباوي كثير

١٠. نورتي المدرسة كثير

١١. هالأيام أنا مشوش ومش مركز.

١٢. خلينا نطل على اتصال.

التدريب الثاني :

اسمع هاد النص وخط الكلمة المناسبة بالفراغ:

بيركز	حاطين	شايفيته	مس	بسرح
نورتي	غلباوي	مشكلجي	تحببوه	حليلنا

كيف شايفه ابني

ام عصام: كيفك يا _____ شو أخبارك؟

المس: الحمد لله، كيفك إنت؟ _____ المدرسة.

ام عصام: منورة بأهلها أنا منيحة، بدي أسأل عن عصام كيف _____؟

المس: و الله هو ذكي بس مشكلته انه _____ كثير و ما بهتم الصف وما

_____.

ام عصام: حاولوا _____ بالدروس.

المس: احنا _____ موضوعه ببالننا، و بلكي لقدام شوي بيتعلق بالمدرسة اكثر.

ام عصام: كونك مديرة المدرسة _____ مشكلة عصام.

المديرة: اسمعي يا أم عصام ، ابنك _____ ، و _____ وما حدا

سالم من شره.

ام عصام: طيب والحل؟

المديرة: جوا المدرسة إحنا بنحلها بس شكلوه عنده صحاب بالحارة مش ولا بُد.

أم عصام: رح نطل على اتصال لبيين ما نحل هالمشكلة.

التدريب الثالث:

خط دائرة على الكلمة اللي ما بتسمعا بالجملَة:

١. أ. مس ب. شو ج. عصام د. كثير
٢. أ. يعني ب. تحبوه ج. بالدروس د. عصام
٣. أ. مشكلة ب. حلينا ج. كونك د. الصف
٤. أ. بدي ب. كيف ج. صاحبي د. عن عصام
٥. أ. بلكي ب. لقدام ج. شوي د. ابني
٦. أ. غلباوي ب. المدرسة ج. و مشكلجي د. شره
٧. أ. احنا ب. شكله ج. بسرح د. الحارة
٨. أ. ذكي ب. بسرح ج. انه د. الأخير

القراءة:

اقرأ النص التالي وتأكد إنك فاهم كل إشي فيه:

النص:

كيف شايفه ابني

ام عصام: كيفك يا مس شو أخبارك؟

المس: الحمد لله، كيفك انت؟ نورتي المدرسة.

ام عصام: منورة بأهلها أنا منيحة، بدي أسأل عن عصام كيف شايفيته؟

المس: و الله هو ذكي بس مشكلته انه بسرح كثير و ما بهتم الصف وما بيركز.

ام عصام: حاولوا تحببوه بالدروس.

المس: احنا حاطين موضوعه ببالنا، و بلكي لقدام شوي بيتعلق بالمدرسة اكثر.

ام عصام: كونك مديرة المدرسة حلينا مشكلة عصام.

المديرة: اسمعي يا أم عصام ، ابنك غلباوي ، ومشكلجي وما حدا سالم من شره.

ام عصام: طيب والحل؟

المديرة: جوا المدرسة إحنا بنحلها بس شكلوه عنده صحاب بالحارة مش ولا بُد.

أم عصام: رح نطل على اتصال لبين ما نحل هالمشكلة.

تدريبات الحكى:

التدريب الأول:

ليش هاي الكلمات انحكت بالنص:

الحارة	ابنك	بسرح	نورتي
المشكلة	مشكلجي	الدروس	موضوعه

التدريب الثاني:

جاوب على هاي الأسئلة بالحكي:

شو اسم الطالب؟ مين الشخصيات اللي بالدرس؟

شو مشكلة الطالب؟ عصام نكي و لا غبي؟

شو حكت المديرية للام؟

شو حكت ام عصام للمديرية؟

برأيك كيف نحل مشكلة عصام؟

الدرس الثامن:

المواصلات

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

بدري:

بدري ليش مستعجل - بدري من عمرك.

لسا بدري.

بدك تيجي بكرة بدري؟

دايما بطلع بدري.

ألحق:

ما لحتت الباص.

فكرك رح ألحق؟!.

يلا عشان تلحقي

اطلع بدري عشان تلحق

مش عارف شو أعمل:

انعجقت ومش عارف شو أعمل!.

ليش انتي مش عارفة شو بدك تعملي؟

علقنا بالأزمة ومش عارفين شو نعمل.

هو ما درس و مش عارف شو بدو يعمل بالامتحان

التدريب الثاني:

دوشونا:

- الجيران دوشونا بصوت الأغاني.
- دوشت راسي قد ما حكيت.
- دوشتني بهالموضوع.
- خلص بكفي دوشتيني.
- روحنا مدووشين من العرس.

زي الزفت:

- الوضع هاي الأيام زي الزفت.
- الامتحان زي الزفت.
- كيف يومك؟ زي الزفت

ما إلي دخل:

- هاي مشكلتك.. ما إلي دخل.
- أنا بحل المشكلة ما حدا إله دخل؟!.
- ما إلك دخل هاد موضوع عائلي.

فوق بعض

- الناس بالمول فوق بعض.
- حطّيت الكتب فوق بعض

التدريب الثالث:

رح أضلني:

رح اضلني استتاك.

ما رح اضلني هون بعد الدرس.

لمتي رح تضلو؟

رح تضلي هون لما أرجع؟

شوف:

شوف شو صار معي.

شوف أخوك شو بده.

شوفي مين عالباب.

بدي أشوف الإيميل بس.

متي رح اشوفك مرة ثانية؟

شوفو شو بدكم تعملو وأنا جاهز.

اليوم ما حدا يحكي معي مش شايفة قدامي!

صبّحت مش شايف الضو.

التدريب الرابع:

اقرأ الجمل التالية وبعدين احكيها للمدرس عن غيب:

١. دائما بطلع من البيت بدري
٢. شوفو شو صار معي اليوم
٣. كالعادة طلعت بكبير
٤. وصلت عالمحاضرة متأخرة
٥. كانت ازمة كتير
٦. السيارة عالسيارة
٧. دوشونا بزناخة الزوامير
٨. ما الي دخل بس الله يجازي اللي كان السبب
٩. مش عارفة شو بدني اعمل
١٠. الناس فوق بعض زي النمل
١١. يا حبيبي لما يوصل الباص الله لا يورجيك
١٢. لازم أروح عشان بدّي ألحق دروسي.
١٣. هاد اليوم زي الزفت مبين عليه من أوله.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. انا طالبة بالجامعة
٢. عشان ألحق محاضرتي بالجامعة
٣. السواقين دوشونا بزناخة الزوامير
٤. ما أزنخ هاليوم .
٥. مع انه ما إلي دخل
٦. الله يجازي اللي كان السبب
٧. بدى استنى باص
٨. رح اضلني نص ساعة واقفة
٩. الناس فوق بعض زي النمل
١٠. يا حبيبي لما يوصل الباص الله لا يورجيك
١١. مش عارف شو بدّي أعمل.
١٢. بطلع بدري ومع هيك ما بلحق محاضرتي.

التدريب الثاني :

اسمع هاد النص وخط الكلمة المناسبة بالفراغ:

بدري	زي النمل	لا يورجيك	شو صار	دوشونا
الحق	كالعادة	ما الي دخل	عالسيارة	يا حبيبي

المواصلات

انا طالبة بالجامعة ، دايمًا بطلع من البيت _____ عشان _____
محاضرتي بالجامعة، شوفوا _____ معي اليوم ، _____ طلعت بكير و
وصلت عالمحاضرة متأخرة ربع ساعة عشان كانت أزمة كتير و السيارة _____
والسواقين _____ بزناخة الزوامير .

كانت احداث يومي من أوله زي الزفت، مع إنه _____ بس الله يجازي اللي كان
السبب .

مش عارفه شو أعمل اذا بدى استتى باص، رح اضلني نص ساعة واقفة و الناس فوق
بعض _____ و _____ لما يوصل الباص، الله _____ .

التدريب الثالث:

خط دائرة على الكلمة اللي ما بتسمعا بالجمله:

.١

أ. بالجامعة ب. دايمًا ج. بكير د. البيت

.٢

أ. شوفو ب. صار ج. السبب د. معي

.٣

أ. حبيبي ب. يوصل ج. الباص د. أصدقاء

.٤

أ. على ب. السواقين ج. المحاضرة د. دوشونا

.٥

أ. مش ب. احلى ج. باص د. عارفة

.٦

أ. طلعت ب. الباصات ج. بكير د. متأخرة

.٧

أ. زي ب. قديش ج. الزفت د. اوله

.٨

أ. رح ب. اهلي ج. بعض د. فوق

القراءة:

اقرأ النص التالي وتأكد إنك فاهم كل إشي فيه:

النص:

المواصلات

انا طالبة بالجامعة ، دايمًا بطلع من البيت بدري عشان ألحق محاضرتي بالجامعة، شوفوا شو صار معي اليوم ، كالعادة طلعت بكير و وصلت عالمحاضرة متأخرة ربع ساعة عشان كانت أزمة كثير والسيارة عالسيارة والسواقين دوشونا بزناخة الزوامير.

كان يومي من أوله زي الزفت، مع إنه ما إلي دخل بس الله يجازي اللي كان السبب.

مش عارفه شو أعمل اذا بدى استنى باص، رح اضلني نص ساعة واقفة و الناس فوق

بعض زي النمل، و يا حبيبي لما يوصل الباص، الله لايجريك.

تدريبات الحكي:

التدريب الأول:

ليش هاي الكلمات انحكت بالنص:

دوشونا بزناخة الزوامير	السيارة عالسيارة	أَلْحَقْ	بدري
الله لا يورجيك	يا حبيبي	رح اضلني	ما الي دخل

التدريب الثاني:

١. جاوب على هاي الأسئلة بالحكي:
٢. متى بتطلع الطالبة عالجامعة؟
٣. ليش بتوصل متأخرة؟
٤. ليش كان يومها مش كويس؟
٥. كيف وصفت الطالبة الازمة؟
٦. ليش لازم تطلع هاي الطالبة بدري ع الجامعة؟

الدرس التاسع:

مفاصلة

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

عالمافية:

يعطيك العافية - الله يعافيك.

صحة وعافية.

اللهم عافينا.

الله لا يعطيك العافية.

معافى إن شاء الله

تنزيلات:

عاملين تنزيلات.

هاد موسم تنزيلات.

ما في تنزيلات هالأيام.

بتجنن:

هاي البننت بتجنن.

زوءك بجنن.

الجو بجنن.

هاي اللبسة بتجنن.

الحفلة كانت بتجنن

التدريب الثاني:

مصرياتنا ع قدنا:

الأسعار غالية ومصرياتنا ع قدنا.
هاي العيلة مصرياتها ع قدها.
مع إنه بيشتغل كثير بس مصرياته ع قدو.

بصراحة:

احكي بصراحة.
انا تعبان كثير بصراحة.
بصراحة مش لاقى شغل.
انت صريح كثير.
الصراحة راحة

تراعيني:

بدي اياك تراعيني.
راعينا شوي.
ما في مراعاة بالمرة.
راعانا كثير، هادا المحل بيراعي كثير.

التدريب الثالث:

أسعارنا محدودة:

هاي البلوزة فش فيها مجال أسعارنا محدودة.
هادا المحل أسعاره محدودة.
ما بقدر أراعيكي السعر محدود.

عاجبني:

هادا الفستان عاجبني.
عجبني الكتاب.
تفكيرك بيعجبني
ان شالله يعجبها العريس.
مش عاجبني هادا الكافيه.
مش عارف ليش مش عاجبكم؟

تكسب

خلينا نكسبك ع الغدا.
راعيني عشان تكسبني زيون عندك.

مو أكثر من

بستناك بس مو أكثر من نص ساعة.
باخذ هاد الجكيت بس مو أكثر من ٥٠ دينار.
بحب المنسف بس مو أكثر من الكبسة.

التدريب الرابع:

اقرأ الجمل التالية وبعدين أحكيها للمدرس عن غيب:

١. كثير غالي.
٢. عندي موديلات تانية وعليهم تنزيلات.
٣. عاجبني هادا الجكيت.
٤. خامته كثير مرتبة.
٥. بدي تراعيني فيه.
٦. مصرياتنا ع قدنا.
٧. كم حاط بيالك.
٨. لو تلفي السوق ما رح تلاقي أرخص من أسعارنا.
٩. البضاعة مرتبة.
١٠. الوانه بتجنن عالصبايا.
١١. محلك الصغير.
١٢. راعيني تكسبني زبونة/ تكسبني زبون.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. عالافية .. بكم هادا الجكيت
٢. كثير غالي
٣. عندي موديلات تانية وعليهم تنزيلات
٤. عاجبني هادا الجكيت
٥. خامته كثير مرتبة
٦. الوانه بتجنن عالصبايا
٧. بدي تراعيني فيه مصرياتنا ع قدنا
٨. يسلمو كثير
٩. لو تلف السوق كلو ما رح تلاقي زي هاي البضاعة
١٠. ومن هون لهون
١١. رح أشترى هاد الجكيت بس مو أكثر من ٣٥ دينار.
١٢. بضاعتك مرتبة ومن الآخر.

التدريب الثاني :

اسمع هادا النص وخط الكلمة المناسبة بالفراغ:

كم حاطة ببالك	تنزيلات	عاجبني	من هون لهون	تراعيني فيه
بصراحة	اسعارنا محدودة	ع العافية	مصرياتي ع قدي	يعطيك العافية

مفصلة

اسماء: _____ بكم هادا الجكيت؟

صاحب المحل: ب ٥٠ يختي.

اسماء: كثير غالي.

صاحب المحل: عندي موديلات تانية وعليهم _____ .

اسماء: لا انا _____ هاد الجكيت.

صاحب المحل: هادا قماشته تركية وخامته كثير مرتبه والوانه بتجنن ع الصبايا

اسماء: اها كثير حلو وعاجبني بس بدي _____ .

صاحب المحل: _____ ؟

اسماء: _____ مو اكثر من ٣٥ دينار.

صاحب المحل: لو تلفي السوق كلو ما رح تلاقي زي هاي البضاعة.

اسماء: بعرف انو بضاعتك مرتبة بس راعيني عشان تكسبني زبونة عندك.

صاحب المحل: بعطيك اياه ب ٤٠ .

اسماء: مميم طيب و _____ ؟

صاحب المحل: _____ والله بس خلص الك انتي ب ٣٥

اسماء: يسلمو كثير .. اعطيني الجكيت الاحمر.

صاحب المحل: تفضلتي

اسماء: _____

صاحب المحل: محلك الصغير

التدريب الثالث:

خط دائرة على الكلمة اللي ما بتسمعا بالجملَة:

١.

أ. أسماء ب. بكم ج. هذا د. دارنا

٢.

أ. عندي ب. ثانية ج. صغار د. تنزيلات

٣.

أ. تلفي ب. كله ج. الاواعي د. البضاعة

٤.

أ. على ب. تركية ج. مرتبة د. قماشته

٥.

أ. بعرف ب. مرتبة ج. بضاعتك د. مصرياتي

٦.

أ. صاحب ب. بدري ج. حاطة د. ببالك

٧.

أ. أمو ب. قدي ج. دينار د. بصراحة

٨.

أ. طيب ب. غريبة ج. هون د. أسماء

القراءة:

اقرأ النص التالي وتأكد إنك فاهم كل إشي فيه:

النص:

مفاصلة

اسماء: العافية بكم هادا الحكيت؟

صاحب المحل: ب ٥٠ يختي.

اسماء: كثير غالي.

صاحب المحل: عندي موديلات تانية وعليهم تنزيلات.

اسماء: لا انا عاجبني هاد الحكيت.

صاحب المحل: هادا قماشته تركية وخامته كثير مرتبه والوانه بتجنن ع الصبايا

اسماء: اها كثير حلو وعاجبني بس بدي تراعيني فيه مصرياتي على قدي .

صاحب المحل: كم حاطة ببالك؟

اسماء: بصراحة مو اكثر من ٣٥ دينار.

صاحب المحل: لو تلفي السوق كلو ما رح تلاقي زي هاي البضاعة.

اسماء: بعرف انو بضاعتك مرتبة بس راعيني عشان تكسبني زبونة عندك.

صاحب المحل: بعطيكي اياه ب ٤٠.

اسماء: ممم طيب و من هون لهون ؟

صاحب المحل: أسعارنا محدودة والله بس خلص الك انتي ب ٣٥

اسماء: يسلمو كثير .. أعطيني الحكيت الاحمر.

صاحب المحل: تفضلي

اسماء: يعطيك العافية

صاحب المحل: محلك الصغير

تدريبات الحكي:

التدريب الأول:

ليش هاي الكلمات انحكت بالنص:

عاجبني	تنزيلات	كثير غالي	عالعافية
كم حاطة ببالك	من هون لهون	تراعيني	بتجنن

التدريب الثاني:

جاوب على هاي الأسئلة بالحكي:

لوين راحت اسماء؟ وليش؟

شو اللي عجب أسماء في المحل؟

شو حكي صاحب المحل عن الجكيت؟

كم السعر اللي حاطيته ببالها اسماء؟

شو الجكيت اللي نقتو اسماء؟

شو اشترت أسماء من المحل؟ وبقديش؟

الدرس العاشر:

الواسطة

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

الواسطة :

هَذَا الطالِبُ بحبِ الواسِطَةِ.

دائِماً بِتوسِطِكَ عنده.

أنا ما بحبِ الواسِطَةِ.

بِصِراحةٍ :

ما في بَعْدِ الصِراحةِ.

الصِراحةِ راحةٍ.

خَلِيكَ صِريحٍ.

هَادِي :

هَادِي الشَّرِكَةِ جَدِيدَةٍ.

هَادِي البِنْتِ شَطُورَةٍ.

هَادِ الشَّبِ كَثِيرٍ هَادِي.

اتَرَقَّتْ :

مَتَى عَمَّكَ اتَرَقَّى؟

هَآي التَّرْقِيَّةِ مِنَ الْآخِرِ لِأَنَّهَا إِجْتِ بَوَاقْتِهَا.

مَتَى رَحَ تَتَرَقَّى؟

التدريب الثاني:

بتنفخ :

زي اللي بنفخ في قرية مخزوقة.
ما تضل تنفخ الدخان بوجهي.

مستهينين :

هم دايمًا بستهينو بأحمد.
هي مستهينة بحالها.
هم دايمًا مستهينين فيها .

اقترحت :

أنا اقترحت عليه يحكي معها مباشرة.
دايمًا بقترح وما حدا برد علي.
شو تقترحوا نعمل اليوم.

حدا :

طالع/ طالعة لحالي مش مع حدا.
حدا بده يروح يتغدى.

طنش :

دايمًا أحمد بطنش حكي المدير.
مش عارف ليش دايمًا بيطنش محاضراته ويقعد بالكافيه.
هي بتحب تنطش الشباب لما يتحركشو فيها.

التدريب الثالث:

مش طالع :

مش طالع بإيدها إشي.

شو راح يطلع بإيدو.

مش طالع معكم بكرة.

ما قصر

ما حدا مقصر بشغله.

عمرك ما قصرت.

بلوزتك قصيرة

التدريب الرابع:

اقرأ الجمل التالية وبعدين احكيها للمدرس عن غيب:

١. سعاد ما بتحب الواسطة .
٢. اليها خمس سنين بهالشركة .
٣. ما اترقت مع انو دايمًا بوعدها بترقية .
٤. مبين عليه انه بيبيع حكي .
٥. حكي مع المدير عشان يزيط وضعها .
٦. بلكي تلححت شوي .
٧. سويت اللي بقدر عليه.
٨. طنش الموضوع .
٩. هي طويلة بال .
١٠. سليم زلما حقاني وعلى قد حاله .
١١. ما قصر لما حكته .
١٢. مش طالع بايده إشي.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. سعاد ما بتحب الواسطة .
٢. انحطت بمواقف كثير مثل هيك .
٣. صار ايلها خمس سنين بتشتغل .
٤. كلها وعود كزابة .
٥. بتشتغل ع الفاضي كأنها بتنفخ بقرية مخزوقة .
٦. ما عندها واسطة .
٧. الحلو فيها أنها طويلة بال .
٨. بس مش لهاي الدرجة .
٩. بلكي تلححت شوي .
١٠. عشان يزيط وضعها .

التدريب الثاني :

اسمع هادا النص وحط الكلمة المناسبة بالفراغ:

اقترحت	قصر	اترقت	بتنفخ	فارق
بلكي	تسمع	مستهينين	بتقدر	هادي

الواسطة

سعاد كثير كانت _____ عن الواسطة و بصراحة ما كان _____ معها
 لِإِنَّه ما انحطت بموقف مثل هيك من قبل. صارلها خمس سنين هلاً بتشتغل في
 _____ الشركة و لسا ما _____ مع إنهم دايماً بوعدوها بالترقية، بس
 كلها وعود كزاية. عنجد هي حاسّة حالها بتشتغل عالفاضي أو ع قولة إمها "
 _____ في قرية مخزوقة". يعني بنحتوا عليها في الشغل، شكلهم
 _____ فيها عشان ما إلها معارف واصلين أو بالعربي الفصيح" ما عندها
 واسطة".

الحو فيها إنها طويلة بال بس مش لها الدرجة، هيك كثير! أنا _____ عليها تحكي
 مع حدا بتعرفه منيح عشان يساعدها _____ تلحلت شوي. سليم زلمة حقاني و
 فهمان و قد حاله، ممكن إنّه يوقف معها. و الله و ما _____ لما حكته و فعلاً
 حكي مع المدير عشان يزيط وضعها، و الغريب إنّه المدير وافق! بس مبين عليه إنّه ببيع
 حكي، لِإِنَّه طنش الموضوع. شو بدها تعمل أكثر من هيك؟ مش طالع بإيدها إشي. سوت
 اللي _____ عليه!

التدريب الثالث:

خط دائرة على الكلمة اللي ما بتسمعا بالجملة:

.١

أ. اكلتهم ب. كثير ج. تسمع د. كانت

.٢

أ. الحلو ب. فيها ج. بال د. واسطة

.٣

أ. حدا ب. تحكي ج. امها د. عليها

.٤

أ. صارلها ب. ستة ج. سنين د. خمس

.٥

أ. بعرف ب. بدھا ج. تعمل د. هيك

.٦

أ. بتنفخ ب. سيارتي ج. قرية د. مخزوقة

.٧

أ. الغريب ب. انه ج. عشرة د. المدير

.٨

أ. سليم ب. الاولاد ج. حقاني د. حاله

القراءة:

اقرأ النص التالي وتأكد إنك فاهم كل إشي فيه:

النص:

الواسطة

سعاد كثير كانت تسمع عن الواسطة و بصراحة ما كان فارق معها لإنه ما انحطت بموقف مثل هيك من قبل. صار لها خمس سنين هلاً بنتشغل في هادي الشركة و لسا ما اترقت مع إنهم دايماً بوعدوها بالترقية، بس كلها وعود كزابة. عنجد هي حاسة حالها بنتشغل عالفاضي أو ع قولة إمها " بنتفخ في قرية مخزوقة". يعني بنحتوا عليها في الشغل، شكلهم مستهينين فيها عشان ما إلها معارف واصلين أو بالعربي الفصيح " ما عندها واسطة".

الكلو فيها إنها طويلة بال بس مش لها الدرجة، هيك كثير! أنا اقترحت عليها تحكي مع حدا بتعرفه منيح عشان يساعدها بلكي تلححت شوي. سليم زلمة حقاني و فهمان و قد حاله، ممكن إنه يوقف معها. و الله و ما قصر لما حكته و فعلاً حكي مع المدير عشان يزيبط وضعها، و الغريب إنه المدير وافق! بس مبيّن عليه إنه ببيع حكي، لإنه طنش الموضوع. شو بدها تعمل أكثر من هيك؟ مش طالع بإيدها إشي. سوت اللي بتقدر عليه!

تدريبات الحكي:

التدريب الأول:

ليش هاي الكلمات انحكت بالنص:

الشركة	القرية	تترقى	الواسطة
خمس سبين	عالفاضي	المدير	طنش

التدريب الثاني:

جاوب على هاي الأسئلة بالحكي:

ليش لهلاً ما اترقت سعاد؟

شو عملت سعاد عشان تترقى؟

إنت مع أو ضد الواسطة وليش؟

شو يعني واسطة؟

شو كان رأي المدير لما اتصل فيه سليم؟

بالآخر شو عمل المدير لسعاد؟

الدرس الحادي عشر:

نصاب

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

أمثلة على استخدام الكلمات والعبارات السابقة:

محوش:

هو محوش مصاري كثير .

كم حوشت هاي السنة؟

ليش ما بتحوش ؟

داير

من الصبح وأنا داير أدور على شقة.

هالأيام مش داير بالي على دراستي.

من الصبح وأنت داير هلا إجيت؟

انضحك عليه :

ما بحب الناس اللي بضحكوا علي.

ليش بتضحكي علي.

هو دايمًا بنضحك عليه ؟

بستجري :

انا ما بستجري أطلع بالليل.

هو مش مستجري.

هو ما بيستجري يحكي معه

ليش هو بيستجري يدخن قُدَّام أبوه

التدريب الثاني:

تمرق :

رح أمرق عليك بعد بالمسا
كيف مرقت عليك.
أنا كنت مارق من هون قلت أمر عليك

يخفف:

بدي أخفف عنك مصيبتك.
انت دائما بتخفف عن الناس.
خففي عن أحمد شوي شكله متضايق.

بعوضك :

الله يعوض عليك.
مين اللي راح يعوضك هاي الخسارة!؟
رح نعوضك هاد الدرس .

تسوي:

شو بدك تسوي هيك نصيبك؟
شو سويت بموضوعي.
مش عارف شو رح أسوي.

التدريب الثالث:

نصب :

هو دائما بنصب عليه.
انتي دائما بتتصبي على العالم.
بكفي نصب .

تعلم درس

تعلمت درس من هاي المشكة.
الواحد يتعلم من أخطاءه.
كل مره بحكيه بس عمره ما بيتعلم.

التدريب الرابع:

اقرأ الجمل التالية وبعدين احكيها للمدرس عن غيب:

١. رُوح علي ع البيت متأخّر.

٢. علي محوَّش ألف دينار.

٣. وما كان يعرف إنه صاحبه عامر صاير هامل.

٤. طول نهاره داير بالشوارع

٥. نصب عليه صاحبه عامر .

٦. عمره ما انضحك عليه .

٧. علي رجع على البيت .

٨. كان مبين عليه متكد .

٩. خليل كان جاي يسهر عندهم .

١٠. حكالوه كيف بتمرق عليك .

١١. وصار يخفف عنه وقال .

١٢. صاحبه نصب عليه.

١٣. طول نهاري بين الشغل والدراسة.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. رُوح علي ع البيت متأخر .
٢. مسموم بدنه ونفسيته تعبانه .
٣. عامر طول نهاره داير بالشوارع.
٤. علي رجع على البيت .
٥. علي حريص وما بنضحك عليه .
٦. حس حاله بورطة .
٧. علي كان جاي يسهر عندهم.
٨. كيف بتمرق عليك هالشغلة .
٩. معلش الله بعوضك .
١٠. هيّك تعلمت درس .
١١. بدي أطف يوم الجمعة.
١٢. بلف بلكي لقيت شقة رخيصة.

التدريب الثاني :

اسمع هادا النص وخط الكلمة المناسبة بالفراغ:

انجط	بسترجي	بورطة	وهيك	محوش
مقلب	داير	مسموم	مزنوق	مدعوم

نصاب

روح علي ع البيت متأخر. كان _____ بدنه و نفسيته تعبانة منيح ما. _____ المسكين. القصة وما فيها كان علي _____ ألف دينار و أعطاهم لصاحبه عامر لأنه كان _____ ، وما كان يعرف إنه صاحبه عامر صاير هامل وطول نهاره _____ بالشوارع ، علي حريص كثير وعمره ما انضحك عليه بس هالمره نصب عليه صاحبه عامر وأخذ _____ مرتب.

علي رجع على البيت، من وجهه كان مبيّن عليه إنه متكدّ، علي ما _____ يشكي عن عامر لإته _____ و إيدته طايّلة و شرّاني، وحس حاله _____.

خليل ابن عم علي كان جاي يسهر عندهم ولما عرف بالقصة حكى كيف بتمرق عليك هالشغلة، عاد بعرفك مدرّح! وصار يخفّف عن علي و قاله: "معلش، الله بعوضك. شو بدّك تسوي!" _____ تعلمت درس.

التدريب الثالث:

خط دائرة على الكلمة اللي ما بتسمعا بالجملة:

١. أ. علي ب. البيت ج. بدنه د. أربعين
٢. أ. حسام ب. كان ج. ألف د. علي
٣. أ. أعطاهم ب. ببلش ج. عامر د. مزنوق
٤. أ. نصب ب. انضحك ج. المحاضرة د. بس
٥. أ. كان ب. وجهه ج. ثلاثة د. متأكد
٦. أ. عامر ب. سناء ج. ايده د. شراني
٧. أ. يخفف ب. خليل ج. يسهر د. عم
٨. أ. معلش ب. بدك ج. بعوضك د. تحت

القراءة:

اقرأ النص التالي وتأكد إنك فاهم كل إشي فيه:

النص:

نصاب

رَوَّحَ علي ع البيت متأخراً. كان مسموم بدنه و نفسيته تعبانة منيح ما انجلط المسكين. القصة وما فيها كان علي محوَّش ألف دينار و أعطاهم لصاحبه عامر لأنه كان مزنونق ، وما كان يعرف إنه صاحبه عامر صاير هامل وطول نهاره داير بالشوارع ، علي حريص كثير وعمره ما انضحك عليه بس هالمرة نصب عليه صاحبه عامر وأكل مقلب مرتب.

علي رجع على البيت، من وجهه كان مبين عليه إنه متنكِّد، علي ما بسترجي يشكي عن عامر لإته مدعوم و إيده طايلة و شراني، وحس حاله بورطة.

خليل ابن عم علي كان جاي يسهر عندهم ولما عرف بالقصة حكى كيف بتمرق عليك هالشغلة، عاد بعرفك مدرِّح! وصار يخفِّف عن علي و قاله: " معلش، الله بعوضك. شو بدك تسوي!" وهيك تعلمت درس.

تدريبات الحكي:

التدريب الأول:

ليش هاي الكلمات انحكت بالنص:

يسهر	مدرح	يخفف عنه	انضحك عليه
هو بورطة	الله بعوضك	تسوي	داير بالشوارع

التدريب الثاني:

جاوب على هاي الأسئلة بالحكي:

مين اللي انتصب عليه بالنص؟

ليش كان علي زعلان؟

شو صفات عامر صاحب علي؟

من اللي مرق عند علي على بيته؟

كيف انتصب على علي؟

مين اللي حكي هاي الجملة " معلىش الله بعوضك "؟

شو عمل علي عشان يحل المشكلة؟

الدرس الثاني عشر:

طفح الكيل

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

أمثلة على استخدام الكلمات والعبارات السابقة:

بطلت :

بطلت تدور على شغل.

بطل تفرق معه.

بطلّ يدخن .

تدور:

بدها تدور على شغل.

بدور عليكي.

بدور على سكن هون .

بده:

ما بدها تدرس هون.

بدوش يكتب.

بدهم شقة واسعة .

عالفاضي :

مع إني حكيت معه بس كان على الفاضي.

لا تضيع وقتك عالفاضي.

نقدر نروح اليوم أنا فاضية.

التدريب الثاني:

الجيزة:

الجيزة بتكّف هالأيام.

إيمتى موعّد جيزتكم.

كويس :

هو كتير كويس بالقواعد.

انتى كويسة بالرسم؟

أنا مش كويسة بالطبخ.

واعية :

هي بنت كتير واعية.

متى حتصير واعى.

خليكو واعيين عشان مستقبلكم.

محرز:

هادا الاجتماع كتير محرز.

هاي سيارة محرزة.

طلعة امبارح مش محرزة .

التدريب الثالث:

بتستاهل : هي بتستاهل كل خير .
انت ما بتستاهل يصير فيك هيك .
بتستاهلوا كل شي صارلكم .

صَحِّي

صَحِّي شغل مرتب .
ما رح يصحِّي أروح معكم .
صحَّتلي منحة .

شايِل/ من راس

شلت الفكرة من راسي .
أنا شايِله من راسي الشغل بشركة .
شلت هديك البننت من راسي .

التدريب الرابع:

اقرأ الجمل التالية وبعدين احكيها للمدرس عن غيب:

١. طفح الكيل .
٢. صارت تدور على شغل .
٣. تضيع خبرتها من سنين .
٤. ما عندها استعداد تحط واطي لحدا .
٥. هي بتعرف مصلحتها منيح .
٦. وقد حالها ما بنخافش عليها .
٧. تصحها فرصة شغل مثل هاي .
٨. ما بنتخيل انها راح تزبط واسطة .
٩. مشكلة غلبتها كثير بالماضي .
١٠. لسه بدري .
١١. بدي أعيش حياتي بالأول .
١٢. بدها بس دفشة عشان تشتغل .

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. طفح الكيل .
٢. ما بتحب الواسطة .
٣. هي بنت قد حالها وما بتخافش من حدا .
٤. بدها تدور على شغل ثاني .
٥. تصحلها فرصة مثل هاي
٦. هاي الشغلة كتير غلبتها بالماضي .
٧. راح تزيط معها بالواسطة .
٨. بس دفشة صغيرة عشان تزيط امورها .
٩. على كل حال هي بتستاها .
١٠. ما بتحط واطي لحدا .
١١. بيستاها اللي صار له.
١٢. هاي البنت بتعرف وين مصلحتها.

التدريب الثاني :

اسمع هادا النص وخط الكلمة المناسبة بالفراغ:

شايلة	بالواسطة	حياتي	بنخافش	فرصة
راسها	محرز	بتستاهل	الماضي	الكيل

طفح الكيل

طفح _____ مع سعاد فبطلت و صارت تدور ع شغل من أول و جديد. ما بدها
تضيق الخبرة اللي عملتها طول هاي السنين عالفاضي، بدها شغل _____ . و هي
_____ من _____ فكرة الجيزة و القعدة في البيت. و عشان ما تتفهم
غلط، دايماً بتحكي: " لسا بدري، بدّي أعيش _____ بالأول". وما عندها استعداد
تخط واطي لحدا ، لإنه ما حد بصحله يتدخل في حياتها و هي بتعرف وين مصلحتها
كويس لإنها واعية و قد حالها و _____ عليها.

سعاد كانت دايماً تتمنى إنه تصحلها _____ شغل زي هيك. بس بعمرها ما كانت
تتحيل إنه رح تزبط معها. _____! المشكلة اللي غلبتها كثير في شغلها
_____ .. على كل حال هي _____ و كان بدها بس دفشة صغيرة عشان
تمشي أمورها.

التدريب الثالث:

خط دائرة على الكلمة اللي ما بتسمعا بالجملَة:

.١

أ. بالجامعة ب. و صارت ج. تدور د. سعاد

.٢

أ. المدرس ب. بدھا ج. اللي د. السنين

.٣

أ. شائلة ب. فكرة ج. الاربعاء د. من راسها

.٤

أ. اعيش ب. السواقين ج. حياتي د. بدري

.٥

أ. ضايلين ب. تحط ج. استعداد د. لحدنا

.٦

أ. طلعت ب. حد ج. يتدخل د. ما

.٧

أ. سعاد ب. كم ج. فرصة د. هيك

.٨

أ. كان ب. دفشة ج. تمشي د. طلاب

اقرأ النص التالي وتأكد إنك فاهم كل إشي فيه:

النص:

طفح الكيل

طفح الكيل مع سعاد فبطّلت و صارت تدور ع شغل من أول و جديد. ما بدها تضيع الخبرة اللي عملتها طول هاي السنين عالفاضي، بدها شغل محرز. و هي شايلة من راسها فكرة الجيزة و القعدة في البيت. و عشان ما تفهم غلط، دايماً بتحكي: " لسا بدري، بدّي أعيش حياتي بالأول". وما عندها استعداد تحط واطي لحدا ، لإنّه ما حد بصحله يتدخل في حياتها و هي بتعرف وين مصلحتها كويس لإنها واعية و قد حالها و بنخافش عليها.

سعاد كانت دايماً تتمنى إنه تصحلها فرصة شغل زي هيك. بس بعمرها ما كانت تتخيل إنه رح تزبط معها بالواسطة! المشكلة اللي غلبتها كتير في شغلها الماضي. على كل حال هي بتستاها و كان بدها بس دفشة صغيرة عشان تمشي أمورها.

تدريبات الحكي:

التدريب الأول:

ليش هاي الكلمات انحكت بالنص:

الجيزة	طفح الكيل	واعي	بنخافش
عالفاضي	كويس	مصلحتها	شغلها بالماضي

التدريب الثاني:

جاوب على هاي الأسئلة بالحكي:

ليش تركت سعاد شغلها القديم ؟

شو رأي سعاد بفكرة الجيزة ؟

شو المشكلة اللي غلبت سعاد بالماضي ؟

شو الدفشة الصغيرة اللي بدها اياها سعاد ؟

احكي شوي عن سعاد؟

شو رأيك بسعاد؟

شو كانت تتمنى سعاد.

الدرس الثالث عشر:

الحلويات

فهرس الدرس:

رقم الصفحة			
		تدريبات عامة:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الاستماع:	
	التدريب الأول		
	التدريب الثاني		
	التدريب الثالث		
	التدريب الرابع		
		تدريبات الحكي	
	التدريب الأول		
	التدريب الثاني		

تدريبات عامة:

التدريب الأول:

أمثلة على استخدام الكلمات والعبارات السابقة:

بتصرخ:

أصوات ناس بتصرخ بالشارع.

هي دايمًا بتصرخ.

شو هادا الصراخ .

بتزغرد :

يوم عرس ابنها زغردت.

ليلي بتحب تزغرد.

الزغاريد اكثر شي بالاعراس .

مطلعين :

هو مطلع راسه برة.

متى طالعين اليوم ؟

ما بدي أطلع معكم .

هيصة :

بنجاحك بالتوجيهي راح املك هيصة.

شو هالهيصة اللي برة.

شو شكلكم كثير مهيصين.

التدريب الثاني:

معببة:

شوف السما معببة غيوم.
مين عبالك هاي الكاسة.
متى بدك تعبي طلب التحاق الجامعة .

مسكرة :

الشوارع دايمًا مكسرة من الأزمة.
سكّرت معي امبارح.
سكّر الكتاب وخلينا ندردش شوي.

بتسّاهل :

بتسّاهل أعملك حفلة.
مين اللي بستاهل الضرب.
احمد بستاهل كل خير .

الأصابع:

جاي عبالى أصابع زينب.

التدريب الثالث:

جايب :

أحمد جايب معدل عالي بالتوجيهي.
من وين جايب هالشطارة.
أنا جبت هاد الحكيت من تركيا.

مزبوط:

الوضع مش مزبوط.
بدي قهوة مزبوبة.
مين زطلك سيارتك ؟

شو القصة

شو القصة؟ الشوارع مسكرة.
احكي لي شو القصة؟
لازم نعرف شو قصة تأخيرك كل يوم.

التدريب الرابع:

اقرأ الجمل التالية وبعدين احكيها للمدرس عن غيب:

١. اسمعت صوت زمامير برّا.
٢. ناس بتصرخ و بتزغرد
٣. ألعاب نارية معببة السما و الشوارع مسكرة من الأزمة.
٤. محمد ولد عمره عشر سنين
٥. اليوم نتائج التوجيهي
٦. و بعديها بدخلو الجامعة، صح ؟
٧. اه بدي اخذ لكريم كنافة اذا كان ناجح .
٨. اه بشر، قمحة ولا شعيرة؟
٩. اليوم نتائج التوجيهي .
١٠. انشالله أشوفك زيهم يا ماما .
١١. حفلة غير شكل .
١٢. زيادة الخير خيرين.

تدريبات الاستماع:

التدريب الأول:

اسمع هاي الجمل و احكيها ثلاث مرات:

١. قمحة ولا شعيرة .
٢. انشالله اشوفك زيهم .
٣. اليوم نتأج التوجيهي .
٤. بدي اخذ كنافة لمحمد .
٥. الحمد لله جبت بالتمانيات عقبال عند محمد.
٦. خلينا ناخدله حلوان لازم نباركله
٧. بستاهل لانه جايب معدل محرز
٨. زي شو قصدك ؟
٩. انت شد حياك
١٠. لا تكسر بخاطر أبوك

التدريب الثاني :

اسمع هادا النص وخط الكلمة المناسبة بالفراغ:

التوجيهي	ناجح	القصة	مسكرة	للأعلى
عالتفون	بتصرخ	بدخلو	شعيرة	وريات

الحلويات

صوت زمامير و ناس _____ و بتزگرد و ولاد و بنات مطلعين حالهم من شبابيك السيارات و عاملين هيصة و ألعاب نارية معبية السما و الشوارع _____ من الأزيمة.

محمد ولد عمره عشر سنين بسأل امه شو _____ يا ماما ؟

أم محمد: اليوم نتائج _____ , ان شاءالله اشوفك زيهم شي يوم يا ماما و ترفع راسي.

محمد : و بعديها _____ الجامعة، صح ؟

أم محمد : مزبوط , ابن عمك توجيهي خليني احكي معهم أعرف كم جاب و نعرف الأخبار.

محمد : اه بدني اخذ لكريم كنافة اذا كان _____ .

أم محمد _____ مع كريم..

أم محمد: اه بشر، قمحة ولا _____؟

كريم: الحمد لله جيت بالتمانيات عقبال عند محمد.

أم محمد: الف مبروك و منها _____ ان شا الله...

ام محمد لابنها : خلينا ناخذله حلوان لازم نباركله، و بستاهل لإنه جايب معدل محرز .

محمد: طيب بجوز الكل هلا جايب كنافه، خلينا ناخذ إشي تاني.

ام محمد: زي شو قصدك؟

محمد: انا بعرف انه كريم بموت بالوريات المحشية قشطة مش جبنة .

أم محمد: تمام، بناخذ كيلو _____ و كمان كنافه، زيادة الخير خيرين.

محمد: إذا هيك، انا بحب الكنافه الاصابع .

التدريب الثالث:

خط دائرة على الكلمة اللي ما بتسمعا بالجملَة:

.١

أ. حالهم ب. ولاد ج. بنات د. الباب

.٢

أ. ألعاب ب. نارية ج. مسكرة د. الأزمة

.٣

أ. أربعة ب. عمره ج. ولد د. القصة

.٤

أ. زيهم ب. يوم ج. ماما د. لانه

.٥

أ. خليني ب. جاب ج. معهم د. طويل

.٦

أ. الحمد لله ب. التمانينات ج. عند د. الحلويات

.٧

أ. يخفف ب. الكل ج. اشى د. بجوز

.٨

أ. تمام ب. كمان ج. توجيهي د. وريات

القراءة:

اقرأ النص التالي وتأكد إنك فاهم كل إشي فيه:

النص:

الحلويات

صوت زمامير و ناس بتصرخ و بتزغرد و ولاد و بنات مطلعين حالهم من شبابيك السيارات و عاملين هيصة و ألعاب نارية معيبة السما و الشوارع مسكرة من الأزمة.

محمد ولد عمره عشر سنين بسأل امه شو القصة يا ماما ؟

أم محمد: اليوم نتائج التوجيهي , ان شاءالله اشوفك زيهم شي يوم يا ماما و ترفع راسي.

محمد : و بعديها بدخلو الجامعة، صح ؟

أم محمد : مزبوط , ابن عمك توجيهي خليني احكي معهم أعرف كم جاب و نعرف الأخبار.

محمد : اه بدي اخذ لكريم كنانة اذا كان ناجح .

أم محمد عالتلفون مع كريم..

أم محمد: اه بشر، قمحة ولا شعيرة؟

كريم: الحمد لله جبت بالتمانيات عقبال عند محمد.

أم محمد: الف مبروك و منها للأعلى ان شا الله...

- ام محمد لابنها : خلينا ناخذله حلوان لازم نباركله، و بستاهل لإنه جايب معدل محرز .
- محمد: طيب بجوز الكل هلا جايب كنافه، خلينا ناخذ إشي ثاني.
- ام محمد: زي شو قصدك ؟
- محمد: أنا بعرف انه كريم بموت بالوريات المحشية قشطة مش جبنة .
- أم محمد: تمام، بناخذ كيلو وريات و كمان كنافه، زيادة الخير خيرين.
- محمد: إذا هيك، أنا بحب الكنافه الأصابع .

تدريبات الحكي:

التدريب الأول:

ليش هاي الكلمات انحكت بالنص:

وربات و كنافة	الألعاب نارية	بدنا نروح ا	هيصة
نتائج التوجيهي	معدل محرز	ترفع راسنا	محمد

التدريب الثاني:

جاوب على هاي الأسئلة بالحكي:

ليش ألعاب نارية معبية السما و الشوارع مسكرة من الأزمة ؟

كم جاب محمد معدل بالتوجيهي ؟

ايش بدو ياخذ محمد لابن عمه كريم ؟

ليش انحكت العبارة هاي " اه بشر قمحة ولا شعيرة ؟

ايش كان ردة فعل ام محمد بس عرفت انه كريم نجح ؟

